



KEMENTERIAN PERPADUAN NEGARA

SIARAN MEDIA

RUKUN NEGARA SEBAGAI KOMPAS PEMBINAAN NEGARA BANGSA

PUNCAK ALAM, 14 Mei 2026 – **Rukun Negara** perlu terus dihayati sebagai ***moral compass*** atau **kompas nilai** bagi memastikan pembangunan teknologi seiring dengan pembangunan akhlak dan perpaduan. Hasrat tersebut dinyatakan oleh YB Datuk Aaron Ago Dagang, Menteri Perpaduan Negara semasa menyampaikan ucapan di **Majlis Pelancaran Jelajah Belia Rukun Negara** bertempat di Universiti Teknologi Mara (UiTM), Kampus Puncak Alam, Selangor di sini, hari ini.

Program anjuran Kementerian Perpaduan Negara melalui Jabatan Perpaduan Negara dan Integrasi Nasional ini adalah **merupakan sebuah program baru yang diperkenalkan** oleh Kementerian pada tahun ini bagi memperkukuh literasi, kefahaman dan penghayatan nilai Rukun Negara dalam kehidupan seharian mahasiswa. Program ini **menyasarkan 4,500 orang mahasiswa dari seluruh negara** dengan melibatkan pelaksanaan di **15 buah Institusi Pendidikan Tinggi (IPT) yang mewakili 15 negeri**.

YB Datuk Aaron Ago Dagang dalam ucapannya berkata, “Pelaksanaan Program Jelajah Belia Rukun Negara ini adalah sebagai **platform intervensi sosial yang mendekatkan Rukun Negara dengan realiti kehidupan belia bagi mengatasi dan menangani cabaran semasa perpaduan negara** termasuk isu etnisiti, media, agama, kelas sosial, dan hubungan sosial rentas komuniti seperti yang telah dikenalpasti dalam dapatan Indeks Perpaduan Nasional (IPNas) 2025”.

UNTUK SIARAN NEGARA

Pada masa yang sama, beliau juga turut berharap agar **193 Sekretariat Rukun Negara (SRN) di IPT seluruh negara** terus memainkan peranan penting sebagai **penggerak penghayatan Rukun Negara dalam kalangan mahasiswa** kerana SRN bukan sekadar sekretariat atau kelab di kampus, tetapi merupakan platform kepimpinan belia untuk menyemarakkan nilai kenegaraan, memperkukuh perpaduan dan memupuk kefahaman terhadap kepelbagaian masyarakat Malaysia.

KEMENTERIAN PERPADUAN NEGARA

14 Mei 2026

KPN.100-9/1/16 (47)

